



## Terenga 4: Hōtaka 37 – Te pū ‘ai’

### He Mihi

Kei ngā purutanga matainaina o te hunga kua moe, karapinepine mai ki te whare o Ako. Ki konei tātou whakakupu ai i te whakaaro kia rangona ai te hā o te reo ki runga ki te mata o te whenua.

### Hei Mahi Whakarongo

Mā ngā reo rōreka o te kura o Hato Hōhepa e tuku te waiata hei mahi whakarongo mō te rangi nei. Anei ngā pātai hei whakautu mā koutou:

1. He aha ngā tohutohu ki te iwi Māori?
2. He aha ngā tohutohu a Te Ariki?
3. He aha te hononga o te rangimārie me te kotahitanga?

### He Whakamārama

He nui ngā whakamahinga rerekē i te pū ‘ai’.

1. Haere mai ki konei noho ai. (= ki te noho)
2. Oma ai au i ngā ata. (= He rite tonu taku oma i ngā ata)
3. E rangatira ai te reo, me kounga. (= kia rangatira ai...)
4. Whakatata mai, kia āta rongo ai koe. (= mahia te mahi kia puta ai tētehi hua)
5. Tuhia te reta, ka tuku ai ki tō pāpā. (= kātahi ka tukuna)
6. Koirā te wāhi i haere ai au. (e hono ana i te mahi ‘haere’ ki te wāhi i te wāhanga tuatahi)
7. Mō āpōpō whakatauria ai te take nā. (e mātāmuri ana te mahi i tēnei rerenga, e mātāmua ana te wā)
8. Nō nakuanei au i tae mai ai. (e mātāmuri ana te mahi i tēnei rerenga, e mātāmua ana te wā)
9. Ki konei tātou hui anō ai. (e mātāmuri ana te mahi i tēnei rerenga, e mātāmua ana te wāhi)
10. Mā runga waka tātou haere ai. (e mātāmuri ana te mahi i tēnei rerenga, e mātāmua ana te huarahi haere)
11. I pai ai te hui, he reka nō te kai. (= ko te take i pai)
12. Mā te whakarongo, ka mārama ai te mahi. (= kātahi ka mārama)
13. Ko Waahi te marae e tū ai te hui. (e hono ana i te mahi ‘tū’ ki te wāhi i te wāhanga tuatahi)
14. He aha koe i amuamu mai ai, tē hari atu ai i te take ki te tumuaki? (= kāore + mahi tuarua)
15. Tō kuia ai ka mau panekoti poto pēnā! (he whakakaha i te āhua)

### Hei Mahi

Whāia te whakamahinga o te pū ‘ai’ i te tauira 15 o runga ake nei. Whakatikahia te raupapa o ngā kupu i roto i te rerenga.

1. takeo ko tere te ka roa tatari ai te o
2. upoko Pakē te o ai mārō te ai
3. marae ko paepae te ngā angiangi o ai

### Whakautu:

1. Ko te roa ai o te tatari, ka tere takeo. (10)
2. Te mārō ai o te upoko o Pakē. (8)
3. Ko te angiangi ai o ngā paepae marae. (8)